




www.BibleForChildren.org


Naanearü ügüchiga 1



Yema Tupana namaxã
inaxügüxũ nixĩ nax
naxüaxũ ga guxũma i
daxũwa ngẽxmaxũ
rũ ñoma i naane.



Natürü ñaa naane ga noxri
rū taxũta mea nangox yerü
dexátüũwa nayexma rū
naxēanemare. Rū nūma
ga Tupanaãxē rū naétügu
ínachüxüxüxũ.




Rü yexguma ga Tupana rü ñanagürü: —¡Nangexmax i nangóonexũ! — ñanagürü. Rü ningóone. Rü yema ngóon exũ rü ngunexũgu nanaxüéga rü ga ěanexũ rü chüta xũgu. Rü yemaacü ningu ga nüxíraxũxũ ga ngunexũ.



Rü yemawena rü ñanagürü ga Tupana: —¡Name nixĩ i ngẽma dexá i cherena ixĩũ rü nachüxüxnagü nax tama ngẽma dexá i ñaxtüwa ngẽxmaxũna yaxũxũcax, rü ngẽmaãcü nax naxãchicaanexũcax i norü ngãxũwa! — ñanagürü. Rü yemaacü nixĩ. Rü Tupana rü yema daxũwa yexmaxũ rü ngoxmaanexũmaxã nanaxu. Rü yemaacü ningu ga norü taxre ga ngunexũ.




Rü yexguma ga Tupana rü ñanagürü: —¡Ñaa dexá i waixũmüétüwa ngẽxmaxũ rü wüxiwa naxũ nax ngẽmaãcü nangóxũcaḡ i paanexũ! — ñanagürü. Rü yemaacü nixĩ. Rü yema paanexũ rü waixũmügu nanaxüéga ga Tupana. Rü yema dexá ga wüxiwa ũxũ rü mármamaxã nanaxu. Rü Tupana nüxũ nadau ga nax



namexũ ga guxũma
ga yema.




Rü ñanagürü: —¡Naxügü i waixũmüwa i naguxũraũxũ i
nanetügü rü natüanegü i ãxchirexũ rü naigü i oóxũ!
— ñanagürü. Rü yemaacü nangox. Rü
yemaacü ningu ga norü
tomaepüx ga ngunexũ.



Rü yemaacü nanaxü ga yema taxre ga
nangóonexẽẽruxü ga üaxcü rü
tauemacü, rü ngẽma rütamaexü nax
ngunecü inabáxixũcaḡ, rü ngẽma
ruxíramaexü nax chütacü
inabáxixũcaḡ. Rü nanaxü ta ga ẽxtagü.
Rü yemaacü ningu ga norü
ãgümücü ga ngunexü.



Rü ñuxūchi Tupana rü
ñanagürü: —¡Dexáwa nangó
rü yamu i naguxūraxūxū i
choxnigü rü naguxūraxūxū
i taxacü i to i dexáwa
maxēxū! ¡Rü
ngēxgumarūxū ta nangó i
naguxūraxūxū i werigü i ñaa
naaneétügu íxüüxū! —
ñanagürü. Rü yemaacü nixĩ.
Rü yemaacü ningu ga norü
wüximeexpüx ga ngunexū.




Rü yexguma ga Tupana rü ñanagürü: —¡Nangexmax
i naanewa i naguxüraxüxü i naeügü i naxüna ixīgüxü, rü
naeügü i naixnecüwa maxëxü, rü naeügü i
waixümüanegu nügü itúgüxü! — ñanagürü.
Rü yemaacü nixĩ.



Rü yexguma ga Tupana rü nügümaxã ñanagürü:
—¡Ngĩxã yigüraxũãcü tanaxü ya yatü! Rü nüma rü
namaxã tá inacuax i guxũma i ngẽma dexáwa maxẽxũ,
rü ngẽma ixãxpexatüxũ, rü ngẽma naxũnagü, rü ngẽma
naeũgü i naixnecüwa maxẽxũ,
rü ngẽma naeũgü i
waixũmüanegu nügü itúgüxũ
— ñanagürü. Rü Tupana
nüxũ nadau nax
namexẽchixũ ga guxũma
ga yema naxüxũ. Rü
yemaacü ningu ga
norü 6 ga ngunexũ.



Rü yexguma Cori ya Tupana yema naane ga Edéüwa
nayexmaxëëgu ga gumá yatü rü nanamu nax mea
nüxna nadauxücax ga guxüma ga yema naanewa
yexmaxü.



Rü nüma ga Cori ya
Tupana rü nanaxucuxê
rü ñanagürü nüxũ:
—Marü name i
cunangõx i guxũma i
ñaanewawa ngẽxmaxũ
i nanetügüarü o. Natürü
ngẽma nanetü i cuax i
mexũ rü cuax i chixexũ
nawa ngẽxmaxũ, rü taxũtáma
cunangõx i norü o. Erü
ngẽxguma tá cunangõxgux rü
cumaxã nüxũ chixu rü tá cuyu
— ñanagürü.



Rü yemaacü nüma ga yatü rü nayaxüéga ga guxüma ga yema naeügü ga naxüna ixĩgüxü, rü guxüma ga yema naeügü ga naixnecücüãx, rü guxüma ga yema naeügü ga ixãpexatüxü. Natürü yematanüwa rü nataxuma ga namücü ga gumá yatü ga nüxü mexü nax norü ngüxëëruxü yixixü.



Rü yemacaḡ ga Tupana rü poraãcü nanapexẽxẽ ga gumá yatü. Rü yexguma napeyane rü nanayaxu ga wüxi ga naga, rü wenaxarü nayaxẽxẽxẽ ga namachi. Rü gumá nagawa rü Cori ya Tupana rü ngĩxũ naxü ga wüxi ga nge. Rü ñuxũchi gumá yatüxũtawa ngĩxũ naga.



Rü ngẽmacax ya yatü, rü tá nanatüna rü
naéna nixũgachi nax naxmaxmaxã wüxiwa
nangẽxmagüxũcax, rü ñoma wüxitama i
duũxürüxũ yixĩgüxũcax i ngẽma taxre.



Rü Tupana rü
poraãcũ nũxũ
nangechaũ i ñoma i naanecũãx i
duũxũgũ. Rü yemacaç inanamu ga Nane
ga nũgũmaxã wũxicacũ nax guxãma ya
texé ya nũxũ yaxõgũxe rü tama
itarũtauxexũcaç rü tũxũ
nangẽxmaxũcaç i maxũ
i taguma gũxũ.



Popera ga Rómawa yexmagüxü ga yaxögüxütanüwa
namuxü ga Pauru 3:23 Rü guxãma rü pecadu taxü rü
ngẽmacax nüxna tayáxügugü ya Tupana ya üü necü.

Popera ga Rómawa yexmagüxü ga yaxögüxütanüwa
namuxü ga Pauru 6:23 Rü natanü i ngẽma pecadu tüxna
ãxü, rü yu nixĩ. Natürü ngẽma ãmare ya Tupana tüxna ãxü
rü maxü i taguma guxü nixĩ i ngẽxguma tórü Cori
ya Ngechuchuaxü yaxögügu.

Popera ga Yudíugü ga yaxögüxücax ümatüxü 9:27 Rü
ngẽxgumarüxü nax wüxicanatama nayuexü i duüxügü rü
ngẽmawena Tupana tá nüxü nicagü, rü yexgumarüütama
ga Cristu rü wüxicanatama nügü inaxã rü nayu nax
naxütanüxücax i muxüma i duüxügüarü pecadugü. Rü
nüma ya Cristu rü wena tá núma naxü, natürü tama
pecaduarü ütanüwa. Rü tá núma naxü nax
namaxẽxẽãxücax i guxüma i duüxügü
i aixcüma ínanguxuxẽëgüxü.



Popera ga Epéchiuwa yexmagüxũ ga yaxõgüxũtanüwa
namuxũ ga Pauru 2:8,9 Rũ Tupanaarũ ngechaũgagu
penayaxu i maxũ i taguma gúxũ yerũ peyaxõgũ. Rũ ngẽma
maxũ rũ tama pegünatama penaxã, natürũ Tupana nixĩ ga
pexna naxãmarecũ ga yema. Rũ tama taxacũ i mexũ i
pexüxũgagu nixĩ i pexũ nangẽxmaxũ i ngẽma maxũ, natürũ
Tupana nixĩ ya pexna naxãmarecũ nax ngẽmaãcũ
taxúema tũgũ icuaxüxũxũcax.

Popera ga Rómawa yexmagüxũ ga yaxõgüxũtanüwa
namuxũ ga Pauru 10:9,10 Erũ ngẽxguma cuaxmaxã nüxũ
quixuxgu nax curũ Cori yixĩxũ ya Ngechuchu, rũ ngẽxguma
cuyaxõxgu nax yuwa Tupana ínadxẽẽxũ, rũ tá cuxũ
nangẽxma i maxũ i taguma gúxũ. Erũ ngẽxguma
Ngechuchuaxũ yaxõgũgu nixĩ nax Tupanapexewa imexũ.
Rũ taaxmaxã nüxũ tixu nax tórũ Cori yixĩxũ ya Ngechuchu,
nax ngẽmaãcũ nayaxüxũcax i maxũ
i taguma gúxũ.



Ore i mexũ ga Cuáũ ümatũxũ 3:16,17 Rũ Tupana rũ poraãcü nüxũ nangechaũ i ñoma i naanecüãx i duũxũgũ. Rũ yemaca_x inanamu ga Nane ga nügũmaxã wüxicacũ nax guxãma ya texé ya nüxũ yaxõgũxe rũ tama itarũtauxexũca_x rũ tüxũ nangẽxmaxũca_x i maxũ i taguma gúxũ. Yerũ ga Tupana rũ tama ñoma ga naanewa nanamu ga Nane nax poxcu duũxũgũmaxã naxueguxũca_x. Natürũ núma nanamu ga Nane nax duũxũgũxũ namaxẽxẽxũca_x.

Nüxíraxũxũ ga popera ga Cuáũ ümatũxũ 5:11-13 Rũ yema Tupana nüxũ ixuxũ ga ore nixĩ nax nüma rũ tüxna naxããxũ i maxũ i taguma gúxũ. Rũ ngẽma maxũ i tüxna naxãxũ rũ Nanegagu tüxũ nangẽxma. Yíxema nüxũ yaxõxe ya Tupana Nane rũ tüxũ nangẽxma i ngẽma maxũ i taguma gúxũ. Natürũ yíxema tama nüxũ yaxõxe ya yimá Tupana Nane rũ tama tüxũ nangẽxma i ngẽma maxũ. Pa Chauenexẽgũx ya Tupana Naneaxũ Yaxõgũxex, pexca_x chanaxümatũ i ñaa ore nax nüxũ pecuáxũca_x nax pexũ nangẽxmaxũ i maxũ i taguma gúxũ.



Naanearü ügüchiga 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Ticuna Bible (tca) © 2022, Wycliffe Bible Translators, Inc. All
rights reserved.

<https://www.bible.com/bible/289/GEN.1.TCAP>

©2025 Bible for Children, Inc.

www.M1914.org

www.bibleforchildren.org

